

1195

I C O D I C E S

1196

*super illud. In principio erat uerbum &c. Vides propalacionem et potestatem uerborum multam &c. Siftit in iis: Sufficiebat enim uelle solum. et omnia sequebantur.* Initium illud legitur nunc in *Homilia I. et Finis in Hom. LXXXVII.* seu ultima in impressis. Codex hac terminatur clausula: *Finit expo. cris. a burgundione iudice pisano translata. Anno domini. M. C. LXXIIII. Johannes iste Burgundio, de quo ad i. Mazzuchellium Scritt. d'Italia Vol. II. P. 3. p. 1768.* uersionem hanc suam *Romam ad Concilium Lateran. III. 1180.* adtulit, ut ad h. a. *Robertus Abb. Montis in continuat. Chronici Sigeberti* narrat. Vide *Fabricii Bibl. Graec. Vol. VII. p. 647.* Erravit itaque *Mansius* in edit. *Bibl. med. et inf. Lat.* ejusd. *Fabricii* illum ad *Sec. XIV.* repo-

nendo; maxime cum nunc e *Cod.* nostro ipsum factae translationis annum teneamus. Eam recognouit *Franciscus Accoltus* dictus *Arctinus*, si *Bibliothecam graecam* paullo ante cit. audias, sed si ejus uersionem *Cosmo Medici* inscriptam, *Romaeque in S. Eusebii Monasterio MCCCCLXX. f.* impressam cum nostro *Codice* conferas, ut feci, *Francisco* injuriam factam deprehendas, ejusque laborem longe a *Burgundionis* uersione abire. Itaque recte a *Mazzuchellio, Lairio* et aliis Interpretis ei nomen tribuitur.

Contenta in *Codice* siue *Catenam PP.* siue *Libros Sententiarum* dicas, lectiones aliquas meliores suppeditare possent, si cum *Operibus*, e quibus excerpta sunt, contenderentur. Subscripsit illis *Librarius*;

*Qui scripsit scribat semper cum domino uiuat:  
Uuat et in celis uiricus nomine felix.*

Adjacet etiam nomen recentioris Possessoris *F. Johannis de Mantua Ordinis Fratrum Seruorum scil. B. V. M.*

CCCV. VI. H. 7.

645 Codex chartaceus lat. Sec. XV. Folior. 319. 4. non una manu perscriptus et olim *Wenceslai Rossii Prefforovii* Sacerd. *Bobemi* cum multis aliis haecenus indicatis haec seruat: I. Locos communes Theologicos siue PP. Sententias ex Alphabeti serie in

*Capita CLXXIII.* digestas, addito sub finem Elencho: *De Abstinentia. De Acceptione Personarum. De Accidia. De Amore. De Angelis &c.* Initium C. I. *Bernhardus.* *Magna abusto est, quod parcitas auaricia putatur &c.*

II. fol. 72. *Contractus de sanctis.* Id est, Sermones de Festis SS. per annum ab *Andrea* Apostolo usque ad *Catharinam* Virg. autore *Job. Contracto* siue *Kortz O. M.* ut dixi ad *Cod. DCCXXVI.* quem, si lubet, confer. Initium: *Ambulans ibesus —*

In

1197

## P A T R I S T I C I.

1198

*In istis verbis describitur &c. ut ibi.*

III. fol. 156. p. 2. Sententiae e PP. et Scriptoribus profanis collectae de *Ebrietate*, de *Praedicatione* verbi Dei, de *Sacerdotibus*, item *Expositio Orationis Dom.* ex ejusmodi Sententiis congesta, *Salutatio angelica* rhythmis hiulcis inclusa, et Interpretatio quorundam Nominum hebraicorum, puta: *Affwerus*, *Hester*, *Rechabita* &c.

IV. fol. 165. *Sermo de resurrectione.* Initium: *Augustinus in quodam sermone et Nichodemus in suo evangelio ostendunt &c.* Ex ungue leonem.

V. fol. 167. *Octo species uel casus turpitudinis quas quandoque conjugales solent exercere inter se.* Hic quoque non pauca inepta.

VI. fol. 169. usque ad finem *Sermonum* Congeries partim in *Dominicas*, partim in *Quadragesimam*, quos inter varii ex editis *Jacobi de Voragine* deprompti sunt. Primus *In Epiphania domini* incipit: *Omnes de saba venient &c.* *Ysa. 60.* *Saba est fluuius in Arabia* &c.

CCCVI. IX. g. 32.

638 Codex chartaceus lat. Sec. XV. Folior. 350. 4. *datus olim*, ut praefert involucrum, *ad librariam collegij ducalis artistarum a Jodoco gartner de perching in sacra Theologia licenciato*, qui inter annos 1441 — 52. ter Rectoris Acad. *Vien.* munere functus est, sequentia complectitur ea-

dem manu exarata: I. Sententias PP. de variis Materiis moralibus, quae tamen Elencho praefixo non respondent ordine, et vix sextam illius partem exhaustiunt.

II. fol. 13. succedit (Joh.) *Milicij Magistri Pragens.* *Sermo.* Thema: *Sacerdotes contempserunt legem meam &c. Ezech. XXII.* Initium: *Reuerendi patres ac domini sicut deus omnipotens pro salute humani generis misit patres sanctos &c.* Gravis objurgatio Sacerdotum officii oblatorum. De Autore a. 1374. vivis exemto dixi alibi.

III. fol. 20. *Hec dicitur epistola missa per luciferum domino clementi (VI.) sub anno domini M<sup>o</sup>.CCCL.* Vide, quae de hujus furfuris *Epistolis* notata sunt ad *Codd.* varios, in *Indice.* Praefens incipit: *Lucifer princeps tenebrarum profundi tristitiae regens acbirontis imperia &c.* et si titulus recte habet, conficta est a quodam *Ludovici Bavari* adscula.

IV. fol. 22. p. 2. *Incipit Stella clericorum.* Ita: *Quasi stella matutina in medio nebulae &c.* Adi, si placet, *Indicem.*

V. fol. 33. *Exemplar litere quam magister de rodio domino duci veneciarum misit.* Nugae de *Antichristo* nato a. 1385. in *Babilonia*, quarum initium: *Notum sit vestre dominacioni ac deuocioni omnium dominorum ac comitatuum totius ytalie &c.* Exemplar germanicum relatum est alibi.

VI.